

یوحنا دوئی نامہ

۱

۱ ریش سفید جا،

به انتخاب بُبوسته بانو و اون زاکان کی اوشان حیثت دُرون دوست درم- و نه فقط من بلکی تمان اوشانی کی حیثت بشناختیدی- ۲ حیثتِ واسی کی آمی دُرون نئه و تا ابد آمی امره مانه.

۳ فیض و رحمت و سلامتی جه خُدایِ پَر طرف و جه عیسی مسیح، ا پَر پسر طرف آمی امره مانه، حیثت دُرون و محبت دُرون.

محبت و حیثت دُرون زیندکی کودن

۴ من خیلی ذوق بُکودم کی بفهمستم، بعضی جه تی زاکان بنا به ا حکمی کی پَر جا فیگیفتم، 'حیثت' دُرون زیندکی کونیدی. ۵ هسا، محترم بانو، تی جا ایچی خوائم. نه اونکی ایتا تازه حکم تره بینویسم، بلکی هونی کی جه بنا دشتیم، کی همدیگر محبت بُکونیم. ۶ و محبت آنه کی امان عین اون حکمان زیندکی بکونیم. ا حکم آنه هوطوکی جه بنا بیشتاوستید، تا محبت دُرون زیندکی بکونید.

۷ چونکی دُنیا دُرون خَلی دَغلباز آدمان باموئید، کی اوشان اعتراف نُکونیدی

عیسی مسیح، انسان جسم دُرون بامو. آجور آدمان هو دَغلبازان و صِد مسیح

ایسید. ۸ واخُب بیبید تا ا کار ثمره ی کی امان بُکوده بیم به باد ندید، بلکی ایتا

پاداش تمان وکمال فیگیرید. ۹ هرکس کی مسیح تعلیم جا پیش دکفه و اون

دُرون ثابت نمانه، خُدایِ ناره. هرکس کی اون تعلیم دُرون ثابت بمانه، هم پَر

دره و هم پسر دره. ۱۰ آگه کسی شیمه ورجه بایه و ا تعلیم ناوره، اون شیمه

خانه دُرون راه ندید و اون ایتا سلام نیگید؛ ۱۱ چون اگس کی اون سلام بگه،

اون شریر کاران دُرون شریک به.

آخر بستر

۱۲ ہرچن خیلی چیان درم کی شمراً بینویسم، ولی نخواستم کی مرکب و کاغذ
آمره ببه. بلکی امید درم کی شیمه ورجه بایم و رو در و گب بزنیم تا آمی شادی
کامل ببه.
۱۳ تی انتخاب بُبوسته خاخور زاکان، تره سلام فارسانیدی.

